

BIBLIOTEKA

Zakl. Nar. im. Ossolińskich

XVII

536




Andreas Schomaeus, H. Theol. et U. J. D.  
Poet. Laur. Philosophus et Mathematicus  
Acad. Cracov. Protocancellarius et Ecclie  
rui ad D. Floriani Canonicus atque  
Decanus

Et nihil et no ras tute omnia, vtilice hanc  
Quas pro pte perhibeo necesse operante tuo

14. Glogoviae m. April. An. 1552 C. E. J. S. Cui-  
rauciae 28 May An. 1615 aet. an. 63 ex  
Episcopatus Henelino.

Currauo p. 273 Inlevis hanc



14

# QVÆSTIO DE ANGELIS

Ab

ANDREA SCHONEO,  
THEOLOGIÆ ET IVRIS VTRIVSQUE

Doctore, publicè in alma Academia Cra-  
coviensi, die 2. Septembris, hora 12. ad  
disputandum proposita.

*Pro loco inter Doctores S. Theologiæ  
assequendo.*

C R A C O V I Æ,  
In Officina Andreae Petricouij, Anno Domini,  
M. DC. II.

15.133

In Insignia  
BERNARDI MACIEIOWSKI  
EPISCOPI CRACOVIENSIS

Andreas Schoneus.

**G** Ratum animal VITVLVS, dominū pascitq̄ hilaratq̄,  
Et CHRISTI typus et victima sancta fuit.  
Tu quoq̄ fers cunctis MACIEOVI gaudia, alisq̄,  
Munificis manibus cœnobia atq̄ inopes.  
Plaudit nunc pietas, exultant templa scholæq̄,  
Hæresis una gemit, se latebrisq̄ tegit.



CRACOVIAE  
In Officina Andree Perizonii, Anno Domini

XVII 1536-114

ILLVSTRISSIMO  
AC REVERENDISSIMO  
DOMINO D. BERNARDO MACIE-  
IOWSKI, EPISCOPO CRACOVIENSI,  
Duci Seueriensi, atq; Academiae Cracouiensis  
Cancellario amplissimo, Mœcenati ac  
patrono singulari.

ANDREAS SCHONEVS.



*EX* est Uniuersitatis nostra, Illustrissi-  
me Antistes, ut qui in exteris Academiis,  
Doctorem Sacrae Theologiae lauream  
acceperunt, non prius hic apud nos in Do-  
ctorum numerum atq; ordinem adsciscantur, quam  
~~et~~ Petrum Lombardum, communiter Magistrum Senten-  
tiarum appellatum, qui Uniuersam Theologiam, primus  
ferè via & ratione tradidit, publicè prelegerint, ac dein-  
ceps eo explicato sollemnem disputationem habuerint.  
Quod sapienter à maioribus nostris institutum est, neq;  
propterea, quòd aliquid de aliorum Gymnasiorum laude  
atq; dignitate deminutum uellent, quorum & iudicia  
semper plurimi fecerunt, & laudi atq; gloria fauerunt,  
sed ut hac ratione optimi quiq; & diu multumq; specta-  
ti, in amplissimum eum ordinem adlegerentur, ipsiq; pro-  
palam explicatis ingenij & doctrine suae opibus, maiorem  
sibi apud omnes opinionem atq; auctoritatem compara-

*tant  
all'ev  
Luzuel  
Cyp. pr.*

*Lex Ursatij  
Cral.*

*Cyp. p. m.  
ch.*

rent. Quare, cum & mihi in Italia, omnium eruditarum artium atq; disciplinarum nobilissimo emporio atq; officina, Doctoratus insignia sumere contigerit, Uniuersitas nostra nullo pacto me ea lege soluere & eximere uoluit, sed prius Magistrum Sententiarum explicare, & nunc ecce hanc Questionem de Angelis ad disputandum proponere me oportuit. Atq; fateor equidem longè sublimiores & obscuriores esse in Sacra doctrina questiones, quæ erudita ingenia exercere possunt, sed ut hanc de Angelis proponerem, illud me potissimum impulit, quòd, cum omnibus etiam Philosophis, & qui in Theologica disciplina non adèò exercitati sunt, disputandi concedatur facultas, maiorem differendi materiam habituri sint, & ne planè quasi in alieno foro uersentur. Quanquam & hæc materia suos nodos & laqueos habet, & in illa uiri ingenio & doctrina abundantes sudauerunt, neq; omnes hoc salum placidū & trāquillum, ut quibusdam uidetur, sine periculo & saluis mercibus transmiserunt. Tibi uerò amplissime uir, hunc qualemcunq; conatum meum dedicare & inscribere uolui. Tu enim Academiae nostræ es Cancellarius, id est dux & antistes studiorum nostrorum, custos & defensor libertatum, & quod tibi proprium est, præmiorum literariorū ἀγαθότης, id est, in cuius manu & potestate est, has Doctorales coronas uiris doctrina & ingenio excellentibus conferre atq; distribuere. Deinde tu iam olim me in patrocinium tuum recepisti, meq; singulari beneuolentia semper complexus es, non tam meo merito, quàm magni illius Soco-



louij causa, cuius domi hac mea studia coaluerunt, & cum quo magna necessitudo & amicitia tibi fuit, quiq; quotidianis sermonibus tuas praestantissimas virtutes predicare solebat. Ego autem disciplina Socolouiana institutus, ita in studium & obseruātiā tui tota mente atq; pectore incitatus sum, ut tibi potissimum ingenium meum sudare, literulaq; mea placere gestiant, atq; omne meum mihi mutum esse videatur, quod tu non audis, ac quasi oleum & operam perdere existimem, si te non meorum contentionum testem, iudicem atque fautorem habeam. Accipe igitur Mæcenas amplissime, hanc disputationem grato animo, & Schoneum iam olim tuum, ama, orna & tuere. Vale vineq; diu felix, Ecclesie Dei, Reipublicæ, omnibusq; bonis. Cracouie ex Collegio maiori, ipso die

S. Bernardi.

Schoneum  
Drugo:  
his loco  
forni

Scholasticus  
Cracouia  
Ciuic

Questio

# Quæstio DE ANGELIS.

Ab

ANDREA SCHONEO, THEOLOGIAE S. I. V. Doctore, in Academia Cracoviensi publicè pro loco inter Doctores Theologiae assequendo, ad disputandum, die 2. Septembris proposita.

V. Angeli, qui sunt substantiæ intellectuales, simplices, incorporeæ, incorruptibiles, & à Deo in gratia conditæ, intelligant omnia per species naturaliter inditas, an verò per species acquisitas & à rebus acceptas.

## CONCLUSIO I.

Angeli sunt substantiæ intellectuales & simplices.

### COROLLARIA.

I. Angelos esse ex fide certum est, tamen ratione naturali

*turali id euidenter demonstrari nequit.*

2. *Angeli non sunt creati ante mundum corporeum, sed simul cum cælis & elementis.*
3. *Angeli sunt perfectius ad imaginem DEI creati, quam homines, & ideo natura sunt præstantioris.*
4. *Angeli non sunt actus puri, sed sunt compositi metaphysicè ex genere & differentia, natura & supposito, esse & essentia, subiecto & accidentibus.*
5. *Ordo Hierarchicus Angelorum non ex visione beatifica, neq; ex cognitione naturali, sed ex cognitione supernaturali, quæ fit extra Verbum, formaliter sumitur.*

## CONCLUSIO II.

Angeli sunt substantiæ incorporeæ & incorruptibiles.

### COROLLARIA.

1. *Angeli verè assumunt corpora, ex dère potissimum formata, sed in iis operationes vitales non exercent.*
2. *Ab Angelis immediatè formata & assumpta sunt corpora, in quibus legitur Deus apparuisse.*
3. *Angeli sunt entia necessaria & ab intrinseco immutabilia.*
4. *Angeli neq; per creationem, neque per educationem formæ de materia, possunt producere substantiam.*

5. *Angelus potest mouere omne corpus ad omnem differentiam loci, non tamen ordinem vniuersi perturbare.*

### CONCLUSIO III.

Angeli omnes habuerunt aliquando gratiam, & habuerunt illam primo instanti suæ creationis.

#### COROLLARIA.

1. *Gratiam quam acceperunt Angeli primo momento suæ creationis, acceperunt illam per propriam dispositionem actualem.*

2. *Angeli boni, propriis meritis antecedentibus, consecuti sunt beatitudinem supernaturalem.*

3. *Angeli primo instanti suæ creationis peccare potuerunt.*

4. *Peccatum primum Luciferi, qui fuit supremus inter omnes Angelos, non fuit solum ex inaduertentia & incogitantia.*

5. *Angeli beati non possunt proficere in beatitudine, neq; peccare, sicut nec mali per pœnitentiam, à peccatis & pœnis aternis liberari.*

CON-

# CONCLUSIO IIII.

Angeli cognoscunt Deum & seipsos, per suam substantiam.

## COROLLARIA.

1. *Angeli non cognoscunt Deum naturaliter, clarè & quidditatiuè.*
2. *Angeli cognoscunt etiam Deum per species intelligibiles, quas habent inditas, omnium effectuum creatorum.*
3. *Angeli perfectiùs cognoscunt Deum per species superiorum Angelorum, quàm per suam substantiam.*
4. *Angeli non cognoscunt naturaliter mysteria gratiæ, quæ sunt supernaturalia per se & secundum suam substantiam.*
5. *Angeli omnes cognouerunt à principio per fidem, mysterium Incarnationis, quo ad substantiam & in communi, non autem plenè, & quò ad modum & circumstantias.*

CON-

# CONCLUSIO V.

Angeli cognoscunt alia omnia per species cum natura congenitas, non verò acquisite.


## COROLLARIA.


- vide Saen-  
gixen  
in Blitu  
Winkler  
CC. 59.  
Cognio  
Nocturna.*
1. *In Angelis non est intellectus agens.*
  2. *In Angelis est alia cognitio matutina, alia vesper-  
tina.*
  3. *Angeli superiores cognoscunt per species magis u-  
niuersales & pauciores.*
  4. *Angeli inter se loquuntur, non per signa aut nu-  
tus, sed per ordinationem voluntariam proprii conce-  
ptus ad alterum.*
  5. *Angeli superiores illuminant inferiores de omnibus  
que sciunt, & que pertinent ad statum nature, gratie  
& glorie.*

Hæc Quæstio cum suis Conclusionibus & Corol-  
lariis disputabitur in Lectorio DD. Theologo-  
rum Academiæ Cracouiensis, die 2. Septem-  
bris, hora 12.



*615  
12*







6138  

---

12

